



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1595. usque ad annum 1600

**Fleury, Claude**

**August. Vind. [u.a.], 1773**

**VD18 90118677**

§. 9. Verviniense colloquium de pace inter Hispaniæ, & Franciæ Reges  
sancienda.

---

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

æque vendicari a nota erroris per rationes productas a defensoribus suis, ad quas plene responsum fuit. Expensis deinde Episcoporum, & Universitatum scriptis, quæ Romam misit supremus Hispaniæ Inquisitor ad Sedem Apostolicam, apparuit ex pluribus illorum, iudicium Congregationis non rigorosum, sed mitissimum fuisse, atque adeo persistendum in censura, prout in Actis.

Sæcul. XVI.  
A.C. 1598.

§. IX.

*Verviniense colloquium de pace inter Hispaniæ, & Franciæ Reges faciendum.*

Interea Alexander Medicæus Florentinus Cardinalis a summo Pontifice ante biennium Legatus in Franciam decretus continuato studio pacis negotium promovere satagebat, tam prospero conatus sui successu, ut ad Januarium mensem inter Hispaniæ, & Franciæ Regum Oratores colloquium Vervini in Veromanduis, quod Gallicæ ditionis oppidum est, colloquium haberetur: præstituta igitur die Pontificis nomine eo convenerunt præfatus Cardinalis, nec non Franciscus Gonzaga Episcopus Mantuanus, & Bonaventura de Calatagirona Generalis Minister Ordinis sancti Francisci: Henricus vero Franciæ Rex

Thuan. l. 120  
Daniel Hist.  
de France  
tom. 10.  
Spond. hoc  
anno n. 2.

eo

Sæcul. XVI. A.C. 1598. eo ablegabat Pomponium Pelleverium  
& Brulartum Sullerium Parisiensis Senatus Præsidem: ab Alberto autem Archiduce, qui a Philippo II. pacis conciliandæ facultatem obtinuerat, missi aderant Joannes Richardotus privati Consilii in Belgio Præses, Joannes Baptista de Taxis Sancti Jacobi Eques, & bellio Senatus Consiliarius, denique Ludovicus Verrichenus primus Secretarius, Consilii Thesaurarius. Convenientibus cunctis de loci prærogativa inter Delegatos altercatio innovata est jam tempore Concilii Tridentini agitata, que tamen hac ratione componebatur, ut Cardinalis Legatus in media aula sub umbraculo in editiori loco solus, atque ad ejus dexteram Gonzaga Pontificis Nuntius, & postea proximi federent ea ex parte Richardotus, Taxis, & Verrichenus Hispani Oratores: ad lævam vero Belleverius Franciæ Orator uno gradu prior ante Richardotum suam sedem haberet: demum extra ordinem Calatagirona postremum locum occuparet prope Casparum de Geneva Lullini Marchionem, qui Caroli Emanuelis Sabaudicæ Principis nomine intererat: porro Galli æque, ac Hispani palam declarabant, quod hic sedendi ordo neutri parti præjudicio esset. Ceterum hoc colloquium ferme integrum quadrimestre tene-

tenebat, usque dum de pactis utrinque conventum esset.

Sæcul XVI,  
A C 1598.

§. X.

*Franciæ Regis expeditio in Britanniam adversus Mercurianum Ducem.*

Henricus cum prosperum pacis exitum, plenamque regni tranquillitatem sibi polliceri haud posset, donec Fœderatos, qui adhuc in Britannia sub Mercuriani Ducis imperio bellum prosequerantur, vel lenitate, vel armorum vi ad obsequium revocasset, hinc præter duodecim belli tormenta, duodecim peditum, & duo equitum millia in Britanniam sub Alberto Gondio Redefiarum Duce præmittere statuit, dato negotio, ut Connestabilis cum sex peditum millibus, ac mille ducentis Equitibus interea Picardiæ fines tueretur: ipse vero Rex die decima octava Februarii eo contendere decrevit; sæpius enim Britonnes Proceres eidem significabant, quod sola ipsius præsentia rebelles abs dubio ad officium redactura esset. Nec vana erat eorum pollicitatio; vix enim Regis exercitus appropinquabat, cum jamjam Dinemum, & Plesium-Bertrandi deditione caperetur: ipso autem Rege adventante Petrus Cornutus Plessius, qui Cratumum, & Monianum tenebat, missis ad Regem Delegatis die vigesima

Thuan. l. c.  
Daniel pag. 206.

ab vromer  
L. 1. c. 1. p. 117.  
87.

*Hist. Eccles. Tom. LII.*

T pri-